



KENYATAAN MEDIA

PENGUMUMAN PEMENANG

PERTANDINGAN DAN PAMERAN KARTUN ANTARABANGSA KESELAMATAN JALAN RAYA MALAYSIA 2021

KAJANG, 19 MEI 2021 – Institut Penyelidikan Keselamatan Jalan Raya Malaysia (MIROS) dengan kerjasama Balai Kartun Rossem (BKR), Malaysia telah menganjurkan Pertandingan dan Pameran Kartun Antarabangsa Keselamatan Jalan Raya Malaysia 2021 yang bertemakan "**Ke Arah Jalan Raya yang Selamat**" pada 28 Januari 2021 sehingga 28 Mac 2021.

Pertandingan ini merupakan satu platform kepada kartunis di serata dunia untuk menyampaikan mesej keselamatan jalan raya melalui lukisan kartun. **Sebanyak 346 peserta dari 51 negara** telah menyertai pertandingan ini dengan lebih daripada 800 jumlah penyertaan karya.

Sesi pemilihan karya finalis telah dilaksanakan di Kementerian Pengangkutan Malaysia pada 4 Mei 2021 oleh Ketua Setiausaha Kementerian Pengangkutan Malaysia, YBhg. Datuk Isham Ishak. Ahli panel juri bagi pertandingan ini terdiri daripada Yusof Ghani, Pegawai Penyelidik MIROS; Rosidi Semail, Pemilik Balai Kartun Rossem; Profesor Ahamad Tarmizi Azizan, Pensyarah Kanan Fakulti Teknologi Kreatif & Warisan (FTKW), Universiti Malaysia Kelantan dan Presiden Asean Digital Art Society (ASEDAS); Fawzy Morsy, Kartunis Professional dari Mesir dan Massoud Shojai Tabatabai, Kartunis Professional dari Iran.

Johan bagi pertandingan ini ialah Seyran Caferli dari Azerbaijan dengan hadiah wang tunai sebanyak RM1,500.00 manakala naik johan pula dimenangi oleh Saman Ahmadi dari Iran dengan hadiah sebanyak RM1,200.00 dan tempat ketiga dimenangi oleh Izabela Kowalska-Wieczorek dari Poland dengan hadiah wang tunai sebanyak RM1,000.00. Tiga (3) orang pemenang saguhati dengan hadiah bernilai RM500.00 ialah Bahram Arjomandnia dari Iran, Musa Gumus dari Turki dan Pheno dari Malaysia.

Pada masa yang sama, MIROS telah menandatangani Nota Kerjasama bersama Balai Kartun Rossem (BKR) dengan tujuan **menjalankan intervensi keselamatan jalan raya melalui pendekatan seni dan sains**. Pemilihan BKR sebagai galeri atau mini muzium dalam mempamerkan karya kartun atau komik hasil karya kartunis merupakan langkah permulaan

hubungan kerjasama MIROS dan BKR dalam memberi peluang kepada pelajar sekolah, mahasiswa universiti dan delegasi kartunis dari dalam serta luar negara untuk mengenali pelukis yang sebenar dengan lebih dekat dan sejarah awal tercetusnya lukisan kartun ini.

Hubungan kerjasama ini diharapkan **dapat memberikan impak yang positif dalam membantu memartabatkan dunia seni kartun sekaligus dapat meningkatkan lagi kesedaran rakyat Malaysia terutamanya peminat seni tentang keselamatan jalan raya di Malaysia.** Menurut Ketua Pengarah MIROS, PPj. Kehormat (PA) Ir.Ts. Dr. Khairil Anwar bin Abu Kassim, “Pemenang yang berjaya terbukti bijak dalam mentafsirkan mesej keselamatan jalan raya serta bermain dengan elemen seni dalam pengolahan lukisan bagi menambat hati para juri. Saya percaya karya seni kartun tersebut bukan sahaja kritis tetapi ia dapat menerangkan mesej keselamatan jalan raya secara mudah untuk difahami pada semua peringkat.”

Pengumuman pemenang Pertandingan dan Pameran Kartun Antarabangsa Keselamatan Jalan Raya Malaysia 2021 telah diumumkan secara maya pada 19 Mei 2021 bersempena ASEAN Road Safety Week 2021 (ARSW 2021). Semua karya yang terpilih akan dipamerkan dan kartunis yang berjaya akan menerima katalog dan sijil penyertaan digital. Enam (6) karya finalis yang terpilih boleh didapati di pautan ini <https://cloud.miros.gov.my/cloud/index.php/s/ge6JKbsJCBiYmqz> .

###

Dikeluarkan oleh:

Unit Korporat dan Pengurusan Ilmu

Institut Penyelidikan Keselamatan Jalan Raya Malaysia (MIROS)

Lot 125-135, Jalan TKS 1, Taman Kajang Sentral, 43000 Kajang, SELANGOR Tel: 03 - 8924 9200 E-mel: inquiry@miros.gov.my

SENARAI PEMENANG

PERTAMA

Seyran Caferli dari Azerbaijan



Seyran Caferli / Azerbaijan

KEDUA

Saman Ahmadi dari Iran



Saman Ahmadi / Iran

KETIGA

Izabela Kowalska-Wieczorek dari Poland



SAGUHATI

Bahram Arjomandnia (Iran),



Musa Gumus (Turki)



Pheno (Malaysia).

